

Sharciga Xuquuqaha Dhibbanaha Massachusetts M.G.L. Ch. 258B

Sharciga Xuquuqaha Dhibbanaha Massachusetts wuxuu dhibbaneyaasha iyo marqaatiyada denbiyada **adeegyo** iyo **taageero** ka siiyaa nidaamka caddalaadda fal denbiyeedyada. Xuquuqahaan waxay dhibbaneyaasha, marqaatiyada iyo qoysaska ka caawiyaan in ay raadsadaan **caddaalad** iyagoo sidoo kale abbaarsanaya **ammaankooda** iyo xaqa ay u leeyihii in ay uga **qayb qaataan** nidaamka.

DHIBBANEYAASHU WAXAY LEEYIHIIN XUQUUQAH A SOO SOCDA:

Xukunka-ka Hor iyo inta ay Socoto Hawsha Caddaaladda fal Denbiyedka:

- In lagu wargeliyo hawsha caddaaladda fal denbiyedka iyo waxa uu filan karayo
- In la ogeysiyo taariikhaha maxkamadda, dib u dhigyada iyo wax ka qabashada kama danbeysta ah ee arrinka
- In uu la hadlo qaalliyada muddada lagu jiro arrinka fal denbiyedka
- In uu joogo hawlaha maxkamadeynta iyo in uu ku sugo meel ammaan iyo nabad leh
- In uu diido wareysiyyada qareenka is difaacaha ama koox wax baareysa
- In lagu wargeliyo la talinta iyo adeegyada kale
- In lagu wargeliyo kala doorashada kaalmada maaliyadeed oo ay ku jirto xaq celinta iyo Magdhowga Dhibbanaha
- In loo soo celiyo wixii hanti ah mar haddiiba aan dib dambe loogu baahneyn in loo isticmaalo daliil ahaan
- In looga cudurdaaro shaqada ka qayb qaadashada maxkamadda waajibka ku ah
- In uu bayaan saameynta liddiga ah ee dhibbanaha waqtiga xukunka kaga bixiyo odhaah ahaan iyo/ama qoraal ahaanba

Denbi ku Oogidda ka Dib:

- In uu maclummaad ka helo sii deynta ku saabsan shuruudadaha lagu soo rogay denbiilaha la xukmiyey, xaq celinta, iyo dhegeysiyyada la xiriira sii deynta
- In loogu deeqo bayaan saameyn liddi ah ee dhibbanaha oo la geliyo diiwaannada xabsi ka deynta denbiilaha
- In lagu wargeliyo lagana kaalmeeyo hawsha codsiga CORI
- In loo sharchiyeeyo in uu helo maclummaadka denbiilaha ee sii deynta, u xawilidda meel aan sidaas u sugneyn, ama ka baxsashadiisa xabsiga

Si aad u heshid sharraxaad dheeraad ah ee xuquuqaha iyo adeegyada, fadlan la xiriir:

Si aad u heshid ilo dheeraad ah, waxaad la xiriiri kartaa Xafiiska Massachusetts ee Kaalmeynta Dhibbanaha ee laga helo 617-727-5200.